

**ՀԻՆ ԹՐԱԿՑԱՆ ԷԹՆԻԿԱԿԱՆ ՏԱՐՐԸ
ՀՆԱԳՈՒՅՆ ՎԱՆԱՆԴՈՒՄ**

ՍԱՐԳԻՍ ՊԵՏՐՈՍՅԱՆ

Ուրարտական արձանագրությունները մ. թ. ա. IX դ. վերջից սկսած բազմիցս հիշատակում են էթիոնի ցեղամիությունը՝ իր մեջ մտած առանձին ցեղային երկրներով հանդերձ։ Այդ ցեղամիությունը զբաղեցնում էր այժմյան Կարսագետի (Կարսաչայ) ափամերձի շրջանից մինչև Սևանա լճի ափամերձ շրջանները ձգված մի ընդարձակ տարածություն¹։ Ուրարտական արձանագրությունների հաղորդած տվյալներից պարզվում է, որ էթիոնի մեջ մտած մյուս ցեղային երկրների համեմատությամբ առանձնահատուկ դիրք ուներ Իգանի (Իյանի) երկիրը, որը տեղադրվում է հետագա վանանդի հյուսիսային կեսում՝ հիմնականում այժմյան Ջըլդըր լճի շրջակայքում²։ Այս առումով հատկապես ուշագրավ է հետևյալ փաստը. էթիոնի թագավոր Դիուծինի՝ ուրարտական Սարգուր II (764—735 թթ. մ. թ. ա.) արքայի ժամանակակիցը, ուրարտացիների հայտնի էր *Diušni Iganlehi* (այսինքն՝ Դիուծինի Իգանեցի) անվամբ³։

Նշված փաստի հետ միասին նկատի առնելով ռազմական դեմոկրատիայի վերջին փուլը թեկնածու ցեղամիություններին բնորոշ «արքայական ցեղի» ինստիտուտը⁴ և նրա հնարավոր գոյությունը Հայկական լեռնաշխարհի ցեղամիությունների ներսում, կարող ենք ենթադրել, որ Իգանին եղել է էթիոնի ցեղամիության «արքունի երկիրը»⁵ և բնակեցված է եղել ուրարտացիներից *iganlehi* (այսինքն՝ «իգանեցի», «իգանիական») հորըրըզված «արքայական ցեղի» կողմից։

¹ Б. А. Тураев, История Древнего Востока, часть II, СПб., 1912, стр. 46; Ի. Ադոնց, Հայաստանի պատմություն, Երևան, 1972, էջ 208, Գր. Капанцян, Историко-лингвистические работы, т. II, Ереван, 1975, стр. 71—76; Г. А. Меликишвили, Наир-Урарту, Тбилиси, 1954, стр. 56; Б. Б. Пиотровский, Ванское царство (Урарту), М., 1959, стр. 70; Н. В. Арутюнян, Биайнили (Урарту), Ереван, 1970, стр. 20.

² Ի. Ադոնց, նշվ. աշխ., էջ 208, Գր. Ղափանցյան, Ուրարտուի պատմությունը, Երևան, 1940, էջ 171, 178, Գր. Капанцян, Историко-лингвистические работы, т. II, стр. 72—73, Ս. Ս. Երեմյան, «Ուրարտուի պատմությունը և հարևան երկրները մ. թ. ա. 8—7-րդ դդ.» քարտեզը («Հայկական ՍՍՌ ատլաս», Երևան—Մոսկվա, 1961, էջ 102), Ս. Ս. Երեմյան, «Ուրարտուի պատմությունը (870—590 թթ. մ. թ. ա.)» քարտեզը («Հայ ժողովրդի պատմություն», հ. I, Երևան, 1971), Н. В. Арутюнян, նշվ. աշխ., էջ 189, 418—420.

³ *Diušni Iganlehi LUGA'L KUREtihi KUREbanie...* (տե՛ս Գ. А. Меликишвили, Урартские клинообразные надписи (այսուհետև՝ УКН), М., 1960, 155 С, տող 51—52).

⁴ Հմմտ. «արքայական սկյութներին» հյուսիսսեմական սկյութների ցեղամիության մեջ, Արշակունիների «արքայական» ապառն ցեղին՝ դահականի, ասիանների՝ թուսարականի մեջ։

⁵ Իգանիի ոչ փոքր երկիր լինելու իրողությունը պարզվում է Սարգուր II-ի թողած այն արձանագրությունից, որի մեջ խոսվում է այս երկրում ուրարտացիների ավերած 35 բերդերի և 200 բնակավայրերի մասին (УКН, 155 F. տող 7—10)։

Իգանի երկրի բնակչության վերնախավի (իշխող տարրի) էթնիկական պատկանելության պարզաբանման գործում կարևոր ծառայություն է մատուցում Dlusini անձնանունը, որը, ինչպես տեսանք, կրում էր էթիոնիի ծագումով իգանեցի թագավորը: Իգանիական այս անձնանունը բացահայտորեն նույնական է թրակիական Diuzenes (=հուն. Διοϋενης) անձնանվան հետ⁶: Թրակիական և հունական անձնանունների առաջին բաղադրիչները (Dlu-, Διο-) հ.-հ. մի շարք լեզուներում պահպանված նախալեզվի *diu- «աստված, երկինք, օր» բառից են⁷, իսկ երկրորդները (-zenes, -γενης)՝ սերտա են հ.-հ. *g'en- «ծին, ծնել» արմատից⁸:

Թրակիական Diuzenes անձնանվան diu- բաղադրիչը բուն թրակերենում ունենալու էր *tiu- տեսքը, քանի որ բուն թրակերենում հայերենի նման տեղի էր ունեցել հ.-հ. d > թրակ. t անցումը (հմտ. հ.-հ. *diu- > հայ. տիւ): Դ. Դեչևի կարծիքով, այս և նման դեպքերում գործ ունենք Διο-, Διο-, Διο- բաղադրիչները պարունակող հունական անձնանուններից եկող ազդեցության հետ⁹: Սակայն, ելնելով վ. Գեորգիևի դիտողություններից, դա կարելի է բացատրել նաև թրակիական անձնանվան առաջին բաղադրիչը կազմող diu- (<հ.-հ. *diu-) բառի դակա-միսիական ծագմամբ¹⁰, քանի որ, ի տարբերություն բուն թրակերենի, դակա-միսիերենում տեղի չի ունեցել d > t անցումը:

Դեռևս Գր. Ղափանցյանն էր մատնանշել Dlusini (բառացիորեն՝ «աստվածածին, աստվածային ծնունդ») անվան առաջին diu- բաղադրիչի կապը իրանական նույնարմատ deva և երկրորդ -sini- բաղադրիչի կապը հայերեն ծին (<հ.-հ. *g'en-) բառերի հետ¹¹: Դժվար չէ նկատել, որ Dlusini անվան բաղադրիչները իրենց հնչյունական տեսքով ավելի մոտ են կանգնած դակա-միսիական, թրակիական և հայկական համապատասխան բառերին, քան իրանականին կամ հունականին: Ըստ այսմ, Dlusini անվանը ծնունդ տված միջավայրը անվարան կերպով կարող ենք համարել հին թրակյան այն ընդհան-

⁶ Սրա հետ են իրենց առաջին բաղադրիչներով առնչվում, օրինակ, թրակիական Διογ-χε'λας, Dio-panes, Dios-cuthes, Διος-χευθος անձնանունները, իսկ երկրորդ բաղադրիչներով՝ Διο'εου-γενης, Βρι-ζενις, Der-zenus, Ερτε-ζενις, անձնանունները (Д. Дечев, Характеристика на тракийския език, София, 1952, стр. 30, 31, 32).

⁷ Սրանից են սերում հայ. տիւ, ավեստ. daeva «դև», հին հնդկ. devas, լատին. deus, լիտվ. diēvas, լատիշ. dievs «աստված», հուն. δῖος «աստվածային», հին իսլ. tívar «աստվածներ» բառերը (Д. Дечев, նշվ. աշխ., էջ 9, ծան. 4, 2. Աճառյան, Հայոց լեզվի պատմություն, մաս I, Երևան, 1940, էջ 74—75, Գ. Բ. Ջահուկյան, Հայերենը և հնդկարական հին լեզուները, Երևան, 1970, էջ 20, 62, М. Фасмер, Этимологический словарь русского языка, т. I, М., 1964, стр. 513).

⁸ Հմտ. հայ. ծին (ծն-ունդ), հուն. γένος, լատին. genus, հին հնդկ. jana-ի «տոհմ», ավեստ. zana «ցեղ» բառերը (Д. Дечев, նշվ. աշխ., էջ 12, В. Георгиев, Исследования по сравнительно-историческому языкознанию, М., 1958, стр. 120. 2. Աճառյան, նշվ. աշխ., էջ 56—57, Գ. Բ. Ջահուկյան, նշվ. աշխ., էջ 58):

⁹ Д. Дечев, նշվ. աշխ., էջ 9, 32:

¹⁰ В. Георгиев, նշվ. աշխ., էջ 133: Հետաքրքիր է, որ թրակերեն διο, Διο (օր, քես) նույնածագում բառը ևս չի ենթարկվել հիշյալ օրինաչափությանը: Այս և նման երևույթները հետևանքներ են բալկանյան հին լեզուների (մասնավորապես բուն թրակերենի և դակա-միսիերենի) ունեցած երկարատև փոխազդեցությունների (դրանց վերաբերյալ տե՛ս В. Георгиев, նշվ. աշխ., էջ 133, 143—144):

¹¹ Гр. Капанцян, Историко-лингвистические работы, т. II, стр. 77.

րության մասը, որի մեջ մտնում էին նաև հայերի, թրակիացիների և դակերի լեզվական նախնիները¹²:

Հին թրակյան էթնիկական տարրը մ. թ. ա. II հազարամյակում և I հազարամյակի սկզբին զբաղեցնում էր ոչ միայն Բալկանյան և Փոքրասիական թերակղզիները, այլև արդի Ուկրաինայի հարավը և արևմուտքից ու հարավ-արևելքից նրան հարող շրջանները: Գիտությանը հայտնի են մերձադովյան շրջաններում «թրակիա-կիմերական» ցեղերի հրեմանի գոյությունը հաստատող մի շարք տվյալներ¹³:

«Թրակիա-կիմերական» ցեղերի առանձին հատվածները՝ Կովկասյան լեռնանցքները հաղթահարելն ու Հայկական լեռնաշխարհ թափանցելը սկսվել էր ավելի վաղ ժամանակներում, քան կիմերների գլխավորությամբ դեպի Փոքր Ասիա, Միջագետք և Իրան մ. թ. ա. VIII—VII դդ. նրանց ձեռնարկած պատմական ներխուժումները: Հայտնի է, որ դրանք տեղի էին ունենում Անդրկովկասի և Հայկական լեռնաշխարհի վրայով¹⁴: Ինչպես ներխուժումների այս վերջին փուլի, այնպես էլ նախորդների հետևանքը եղավ այն, որ Հայկական լեռնաշխարհի հյուսիսային և հյուսիս-արևելյան մասերում մշտական բնակություն հաստատեցին եկվոր «թրակա-կիմերական» ցեղերի՝ կիմերների, տրերների, սարապարների և նրանց մյուս ցեղակիցների առանձին հատվածներ¹⁵:

Հայկական լեռնաշխարհի հյուսիս-արևելյան մասում «թրակա-կիմերական» ցեղերի բնակության փաստն արտացոլվել է թե՛ ժամանակի սեպագիր զորյուրներում, թե՛ հետագայի հույն հեղինակների երկերում: Դրանցից կիմերները այստեղ (հետագա Գուգարքում և հարակից շրջաններում) հիշատակվում են արդեն ասորեստանցի հետախույզ Աշշուբհուսայի զեկույցի մեջ

¹² Հավանաբար, նույնը պետք է ասել նաև իզանիական արձանների մեկի կրած Qa-purī- (-*Qa-purī-) անվան վերաբերյալ: Սրա -purī- բաղադրիչը կարելի է նույնացնել թրակյան այնպիսի անձնանունների երկրորդ բաղադրիչների հետ, ինչպիսիք են. Αὐλῶ-πορις, Δεωρ-πορις, Μυσα-ρογ, Μυχα-πορις և այլն: Բերված թրակյան անձնանունների երկրորդ բաղադրիչները սերում են հ.-ե. *reg- «ծնել» արմատից (Д. Дечев, նշվ. աշխ., էջ 40):

¹³ Л. А. Ельницкий, Киммерийцы и киммерийская культура («Вестник древней истории», 1949, № 3, стр. 14—18); Ю. С. Крушкoл, К вопросу о киммерийцах («Археология и история Боспора», Симферополь, 1952, стр. 89—91); А. А. Иессен, К вопросу о памятниках VIII—VII вв. до н. э. на юге европейской части СССР («Советская археология», XVIII, 1953, стр. 100—110); Е. И. Крупнов, Киммерийцы на Северном Кавказе («Древние племена и народности Кавказа», Материалы и исследования по археологии СССР, № 68, М.—Л., 1958, стр. 176—195); М. И. Артамонов, Киммерийцы и скифы, Л., 1974, стр. 20—23.

¹⁴ Հ. Մանանդյան, Հին Հայաստանի և Անդրկովկասի մի քանի պրոբլեմների մասին, Սրբան, 1944, էջ 6—10, 13; М. И. Артамонов, Вопрос о происхождении скифов («Вестник древней истории», 1950, № 2, стр. 47); И. Л. Лавров, О пути вторжения киммерийцев в Переднюю Азию («Советская археология», 1965, № 3, стр. 219—223).

¹⁵ Strabo, XI, 5, 2, XI, 14, 14, Հ. Մանանդյան, նշվ. աշխ., էջ 6—13, 30, Ս. Երեմյան, Կիմերական և սկյութական ցեղերի արշավանքները և Ուրարտուի ու Ասորեստանի պայքարը քոչվորների դեմ («Պատմա-բանասիրական հանդես», 1968, № 2, էջ 90—92), Ս. Գ. Պետրոսյան, Թրակա-կիմերական ցեղերի միությունները Հայկական լեռնաշխարհում (մ. թ. ա. VI—V դդ.), «Պատմա-բանասիրական հանդես», 1977, № 1, էջ 207—219:

(Թվագրվում է մ. թ. ա. 722—715 թթ.)¹⁶։ Տրեբոնի մի հատվածը նույնպես հաստատվել էր հետագա Գուգարքի տարածքում՝ կենտրոնացած լինելով հիմնականում նրա հյուսիսային շրջաններում։ Այս իրողությունն արտացոլվել է տրեբոնի ցեղանունը պահած Թրիարե երկրի մասին Պլինիոսի հաղորդած տեղեկության մեջ¹⁷։ Այս երկիրը թե՛ անվամբ, թե՛ տեղագրությամբ համընկնում է Թոնդրի՝ Գուգարքի հյուսիսային գավառներից մեկի հետ¹⁸։ Ավելի հարավ՝ հետագա Շիրակում և Արշարունիքում, բնակված «թրակիա-կիմերական» ցեղերից Ստրաբոնի հայտնի էին սարապարները, իսկ նրանցից հյուսիս-արևմուտք՝ գլխավորապես հետագա Վանանդի տարածքում, այնիանները։ Քանի որ մեր շոշափած թեման անմիջապես առնչվում է վերջիններս, ուստի անհրաժեշտ ենք համարում մեջ բերել Հայկական լեռնաշխարհում սրանց երբեմնի բնակության վերաբերյալ Ստրաբոնի թողած հետևյալ տեղեկությունը. «Պատմում են, որ այնիանների մի մասը բնակվում է Ուիտիայում, իսկ մյուս մասը Արմենիայից վերև՝ Աբուսի ու Նիբարոսի հետևում (սրանք Տավրոսի մասերն են), որոնցից Աբոսը մոտ է այն ճանապարհին, որ տանում է Բարիսի տաճարի մոտով Եկբատանա։ Ասում են, որ նաև թրակիացիներից ոմանք, որ անվանվում են սարապարներ, այսինքն՝ գլուխ կտրողներ (κεφαλοτομοί) ապրում էին Արմենիայից վերև և հարևան էին գուրանիացիներին (Γουράνιοι) և մեդացիներին...»¹⁹։

Աբոս և Նիբարոս լեռներ ասելով Ստրաբոնը (ավելի ճիշտ նրա աղբյուրը) նկատի ուներ կամ Հայկական Պար լեռնաշղթան ընդհանրապես, կամ նրա ամենաբարձր զույգ գագաթները՝ Մեծ. ու Փոքր Մասիսները²⁰։ «Արմենիայից վերև՝ Աբոսի ու Նիբարոսի հետևում»²¹ բնակված այնիաններին Ն. Ադոնցը տեղադրում էր Շիրակի Անի բնակավայրի շրջակայքում²²։ Հ. Մանանդյանը, ընդունելով հանգերձ այնիանների բնակության շրջանի այսպիսի տեղագրությունը, իր հերթին ավելացնում էր հետևյալը. «Ըստ-երևույթին, սրանք (այնիանները—Ս. Պ.) ևս եկել էին հարավ կիմերական և սկյութական արշավանքների ժամանակ 8—7-րդ դարերում մեր թվականությունից առաջ Մեոտիս-կողբիսյան և Դերբենդի ճանապարհներով։ Սրանց մի մասը բնակություն

¹⁶ И. М. Дьяконов, История Мидии, М.—Л., 1956, стр. 235—236; Б. Б. Петровскій, *взгл. азг.*, էջ 231—232։

¹⁷ Plin., Nat. Hist., VI, 11.

¹⁸ Ն. Ադոնց, *взгл. азг.*, էջ 315, ծան. 2, Ս. Տ. Երեմյան, Ն. Մառը և VII դարի հայոց «Աշխարհացոյց»-ը («Մառը և հայագիտության հարցեր», Երևան, 1968, էջ 82)։

¹⁹ Strabo, XI, 14, 14, Հ. Մանանդյան, *взгл. азг.*, էջ 11։

²⁰ Ն. Ադոնց, *взгл. азг.*, էջ 320, ծան. 3. Н. Адонц, Армения в эпоху Юстиниана, Ереван, 1971, էջ 57։ Պետք է նկատի առնել, որ, հավանաբար, մ. թ. ա. 520 թ. սկսած Հայկական Պար լեռնաշղթայով էին միմյանցից սահմանադատվում Հայկական լեռնաշխարհի արեմենյան երկու սատրապությունները՝ 13-րդը (արմենականը) և 18-րդը (մատիենա-սասպիյրա-ալարոդյանը)։ Ընդ որում, սրանցից առաջինը՝ բուն Արմենիան, ներառում էր լեռնաշխարհի արեմյան և հարավային կեսը, իսկ երկրորդը՝ հյուսիսայինն ու արևելյանը (տե՛ս Ս. Տ. Երեմյան, «Հայաստանը և Փոքր Ասիան ըստ Քսենոփոնի «Անաբասիս»-ի քարտեզը, Քսենոփոն, Անաբասիս, Երևան, 1970)։

²¹ Հետաքրքրական է, որ բերված հատվածում սարապարների բնակության շրջանը ևս Ստրաբոնը ցույց է տալիս «Արմենիայից վերև»։ Իսկապես էլ, բոլոր ուսումնասիրողները «թրակիական» այս ցեղը տեղադրում են հետագա Շիրակի (մասամբ էլ Արշարունիքի) տարածքում, այսինքն՝ ճիշտ «Արմենիայից վերև»։

²² Н. Адонц, Армения в эпоху Юстиниана, стр. 56—57, 420.

էր հաստատել Ուտիքում, մի մասը՝ Շիրակում, իսկ մի մասն էլ կիմմերների մի ստվար հատվածի հետ անցել էր Ուրարտուի միջով Փոքր Հայքի կողմերը և հաստատվել Դարանադիում՝ Անի-Կամախի շրջանում»²³,

Այնիանների բնակության շրջանը, սակայն, ներառել է ոչ թե հետագա Շիրակն ամբողջությամբ, այլ, ըստ երևույթին, նրա հյուսիս-արևմտյան մասը միայն²⁴, Հայտնի է, որ դեռևս ուրարտական ժամանակաշրջանում հետագա Շիրակի արևելյան կեսը և հարավ-արևմտյան մասը մտնում էին ուրարտական արձանագրություններում Erīahī կոչված երկրի մեջ²⁵։ Որ հյուսիս-արևմտյան Շիրակը ժամանակին բնակեցված է եղել այնիանների կողմից, ցույց է տալիս նրանց ցեղանվան հետ ծագումնաբանական կապի մեջ գտնվող տեղական Անի բնակավայրի (Ախուրյանի աջ ափին) անունը²⁶։

Ինչպես նշվեց, այնիանները բնակվել են ո՛չ միայն հյուսիս-արևմտյան Շիրակում։ Հայկական լեռնաշխարհի հյուսիսային մասում նրանց բնակության հիմնական շրջանը գտնվել է հարևան Վանանդում։ Այս առումով խիստ հետաքրքրական է այնիան ցեղանվան և Իգանի (Իյանի) երկրանվան ծագումնաբանական կապվածության իրողությունը։ Բայց, նախ, միևնույն երկրանվան զույգ՝ Իգանի և Իյանի, տարբերակների մասին։ Հայտնի է, որ ուրարտական գրություններից] (1) հնչյունը կարող էր արտահայտվել նաև g-ի միջոցով (ji=gi, je=ge, ju=gu)։ Ըստ այսմ, I-ga-ni=I-ja-ni (=I-ja-ni)։ Թյուրիմացության տեղիք չտալու համար նշենք, որ Իգանին և Իյանին նույնանում են թե՛ անուններով, թե՛ տեղայնացմամբ²⁷։

Ijani տեղանունն է ընկած ոչ միայն հայկական Անի տեղանվան, այլև Ստրաբոնի ավանդած այնիան ցեղանվան (ավելի ճիշտ էթնիկոնի) հիմքում։ Նրկրորդ դեպքում բառարմատին կցվել է -an մասնիկը (*Ijani-an > *janian)։ Այս վերջինս լինելու է հին թրակյան լեզուների այն մասնիկը, որի միջոցով տեղանուններից կերտվում էին էթնիկոններ՝ դրանք կրած վայրերի բնակիչներին նշող անվանումներ²⁸։

Մեր *Janian էթնիկոնի հունական Αἰνιάνες ձևով տառադարձված լինելու առնչությամբ պետք է հիշել հին հունական իրականության մեջ լայն տարածում գտած այն երևույթը, համաձայն որի՝ օտար անունները հաճախ տառադարձվում էին բնօրինակի հետ ծագումնաբանական որևէ ընդհանրություն չունեցող, բայց հունական միջավայրում հայտնի դրանց մոտ ձևերով։ Հավանաբար, տվյալ դեպքում, խնդրո առարկա էթնիկոնի հունական տառադարձությունը կրում է հին հույներին քաջ հայտնի թեսալաեան Αἰνιάνες էթնոնիմի ազդեցությունը։

²³ Հ. Մանանդյան, նշվ. աշխ., էջ 13։

²⁴ Գր. Ղափանցյանը հյուսիս-արևմտյան Շիրակը մասն էր համարում Իգանի երկրի (Гр. Капанцян, Историко-лингвистические работы, т. II, стр. 106)։

²⁵ Ս. Ս. Երեմյան, «Ուրարտուի պետությունը և հարևան երկրները մ. թ. ա. 8—7-րդ դդ.» (սեպտեմբերի ՍՍՏ ատլաս, էջ 102-ի քարտեզը) և «Ուրարտուի պետությունը (870—590 թթ. մ. թ. ա.)», «Հայ ժողովրդի պատմություն», հ. I-ի քարտեզը։

²⁶ Н. Адонц, Армения в эпоху Юстиниана, стр. 56—57, 420; Հ. Մանանդյան, նշվ. աշխ., էջ 13։

²⁷ Н. В. Арутюнян, նշվ. աշխ., էջ 419—420։

²⁸ Հմմտ. Թրակիական Τυρανοί, Δρασιζανοί, Ἀρβιλιανοί էթնիկոնները, որոնց համար հիմք են հանդիսացել Τύρας, *Δραδιζ- և Ἀρβιλι- տեղանունները (Ο. Н. Трубачев, Ран-

Այսպիսով, Հայկական լեռնաշխարհի հյուսիսային մասում հաստատված ալանների բնակության հիմնական շրջանը եղել է ուրարտական արձանադրությունների Ijani (Iganl) երկիրը, հենց որի անունով էլ նրանք կոչվել են այնիան-ներ (ավելի ճիշտ՝ *Janian < *Ijanian < *Ijani-an)։ Ամենայն հավանականությամբ այս երկիրը ներառում էր ոչ միայն Հյուսիսային Վանանդը, այլև հարևան Շիրակի այն մասը, որտեղ գտնվում էր նրա Ijani անունը պահած Անի բնակավայրը։

Iganl (Ijani) երկրանվան և Iganlehi էթնիկոնի գոյության փաստը մ. թ. ա. VIII դ. ուրարտական արձանագրություններում, ցույց է տալիս, որ այնիան (*ijani-an = ուրարտ. Iganl-ehi) անվամբ հայտնի եկվոր էթնիկական տարրի հաստատումը Վանանդում և հյուսիս-արևմտյան Շիրակում տեղի է ունեցել ոչ թե մ. թ. ա. VIII—VII դդ. ընթացքում, այլ մ. թ. ա. VII դ. նախորդած ժամանակաշրջանում։

Հայերենակիր էթնիկական տարրին (հայերի լեզվական նախնիներին) ազդակից և հյուսիսից Հայկական լեռնաշխարհ թափանցած հին թրակյան ցեղերի՝ հայ ժողովրդի էթնոգենեզիսին բերած մասնակցության տեսակետից ուշագրավ են հայոց լեզվի տվյալները։ Հիշենք, որ հայերենում ի հայտ է գալիս մի բաղադրատարր, որը, հնդեվրոպական ծագում ունենալով հանդերձ, նրա բուն միջուկին չի պատկանում։ Ըստ Գ. Զահուկյանի, այն կազմող բառերը հայերենի մեջ հայաստական և թրակյան լեզուներով խոսած էթնիկական տարրերի կատարած ներդրումներն են²⁹։

Խնդրո առարկա շրջանների համար այս առումով որոշակի հետաքրքրություն է հարուցում Վաեանդ տեղանունը։ Չնայած Խորենացին այն բխեցնում է շատ ավելի ուշ Վանանդի տարածքը թափանցած բուլղար գաղթականության առաջնորդի Վաեդ (սեռ. Վեդայ) անունից³⁰, սակայն, Գր. Ղափանցյանը և Գ. Զահուկյանը, իրավամբ, Վաեանդ-ը դասում են -անդ (<հ.-հ. -uent = -uont-) տեղանվանակերտ մասնիկը պարունակող հայկական։ Հաբանդ, Մաբանդ, Նոանդ և այլ տեղանունների շարքը³¹։ Հիշենք, որ Վաեանդ անունով բնակավայրեր կային նաև Սյունիքի Քաշունիք (Միս Բաղք) և Երնջակ գավառներում³²։

Այս նույն առիթով ուշադրության է արժանի նաև Վանանդի տարածքով հոսող ամենամեծ գետի (այժմյան Կարսաշայի) Ախուրեան հին անունը։ Ուրարտական արձանագրություններում Aḫurianl ձևով այն հանդես է գալիս որպես տեղանուն (այդպես էր կոչվում Աշտուխի երկրի բնակավայրերից

не славянские этнонимы—свидетели миграции славян, «Вопросы языкознания», М., 1974, № 6, стр. 58—59, Գ. Բ. Զահուկյան, Հայերենը և հնդեվրոպական հին լեզուները, էջ 69)։

²⁹ Գ. Բ. Զահուկյան, Հայաստանի լեզվի հին անատոլիական ծագման վարկածը («Պատմա-բանասիրական հանդես», 1976, № 1, էջ 108)։

³⁰ «Մովսիսի Խորենացու Պատմութիւն Հայոց», Տփղիս, 1913, էջ 109։

³¹ Гр. Капанцян, Историко-лингвистические работы, т. II, стр. 120; Г. Б. Джаукян, Хайасский язык и его отношение к индоевропейским языкам, Ереван, 1964, стр. 19.

³² «Ստեփաննոսի Սիւնեաց եպիսկոպոսի պատմութիւն տանն Սիսական», ի լոյս ընծայեաց Մկրտիչ էմիս, Մոսկվա, 1861, էջ 376, 378։

մեկը)³³, սակայն Aburiani-ի նախապես գետանուն լինելու մասին է խոսում ինչպես նրա հայկական զուգահեռը (Ախուրեան գետանունը), այնպես էլ նրա ah- բաղադրիչը: Վերջինս իր զուգահեռն ունի մի կողմից հայ-պոնտական Մանախ (կամ Մանախոյ ձոր)³⁴, իսկ մյուս կողմից հունա-պելասգյան, թրակյան և փոյուգա-փոթրասիական ծագմամբ այնպիսի գետանուններում, ինչպիսիք են՝ 'Αγέρων, 'Αχελῷος, 'Αχέλγς, 'Ιναχος, Timachus և այլն³⁵:

Վ. Գեորգիևը հայերենում զանազանում է երկու լեզվաշերտ՝ փոյուգա-արմենական և թրակա-միսիական: Վերջինիս գոյությունը է նա բացատրում բուն հայերենի հնչյունաբանության տեսակետից ոչ օրինաչափ այնպիսի անցումներ, ինչպիսիք են՝ ալն < հ.-հ. *ok³⁶-, առն < հ.-հ. ononno-, աղի < հ.-հ. *hoxi- և այլն (այսինքն՝ երբ հ.-հ. o-ն հայերեն համապատասխան բառերում վերածված է ոչ թե ո-ի, այլ ա-ի)³⁶:

Ամերիկացի գիտնական Ջ. Գրեպինը հավանական է համարում հայերենում դակերենից փոխառյալ մի շարք բառերի գոյությունը: Նա գրում է. «Հայերեն այդ բառերի անմիջական հնդեվրոպական ծագումը հնարավոր չէ կամ, լավագույն դեպքում, անհավանական է, քանի որ դրանց բաղաձայնական համակարգը շեղվում է հայերենի հնչյունական օրինաչափ փոփոխություններից, բայց դրա փոխարեն ամբողջովին համապատասխանում է դակերենի հնչյունական զարգացման օրինաչափություններին»³⁷: Հայերենում դակերենին մոտ լեզվաշերտի գոյությունը, նկատի առնելով Դակիայից Հայաստանի ունեցած հեռավորությունը, պետք է բացատրել դակերին մոտ ազգակից հին թրակյան էթնիկական ինչ-որ տարրի Հայկական լեռնաշխարհում հայտնվելով և այստեղ հայ ժողովրդի էթնոգենեզիսին նրա բերած մասնակցությամբ:

Դակերին մոտ ազգակից էթնիկական այդ տարրի Դակիայից (կամ նրա հարևան շրջաններից) դեպի Հայկական լեռնաշխարհ կատարած արտագաղթի համար, տրերների և կիմերների նման, ավելի ընդունելի է հյուսիսսևեծովյան ուղղությունը (հարավային Ուկրաինայի և Կովկասի վրայով), քան հարավ սևեծովյանը (Բալկանյան և Փոթրասիական թերակղզիների վրայով): Վերջին առիթով որոշակի հետաքրքրություն են հարուցում հին Հայաստանի հյուսիսային և հյուսիս-արևելյան շրջաններում պահպանված Յուրտալ (սեռ. Յուրտալայ) և Պարտալ (սեռ. Պարտալայ) տեղանունները: Սրանց -տալ(ալ)

³³ Ս. Ս. Երեմյան, Հայաստանը ըստ «Աշխարհացոյց»-ի, Երևան, 1963, էջ 32, Н. В. Арутюнян, նշվ. աշխ., էջ 200, 201:

³⁴ Մանախ գետանունը ծառ- և -ախ բաղադրիչների տրոհելը ճշմարտացի է նաև նրանով, որ գետանվան ծառ- բաղադրիչը նույնական է ծառ (ճան) ցեղանվան հետ: Հիշենք, որ Մանախ (այժմ՝ Խարշիտ) գետը գտնվում էր արևելյան Պոնտոսում, իսկ վերջինս սահմանակից էր Ժան-ճաների երկրին (տե՛ս Ս. Ս. Երեմյան, Հայաստանը ըստ «Աշխարհացոյց»-ի, էջ 56 և քարտեզը):

³⁵ Բերված գետանունների ah- բաղադրիչները սերում են հ.-հ. *ak³⁶- շերտ, գետն արմատից (Գ. Բ. Ջահուկյան, Հայերենը և հնդեվրոպական հին լեզուները, էջ 97, В. Георгиев, Исследования по сравнительно-историческому языкознанию, стр. 94, 139, 271):

³⁶ В. Георгиев, Тракийский язык, София, 1957, стр. 77—83, его же, Исследования по сравнительно-историческому языкознанию, стр. 143:

³⁷ Ջոն Ա. Կ. Գրեպին, Դակիական հայերենի դակերենից փոխառյալ տարրերի ուսումնասիրության փորձ (ՀՍՍՀ ԳԱ «Լրաբեր», 1976, № 4, էջ 77):

<—*դաւ(աւ) բաղադրիչները պետք է նույնական լինեն Դակիայի մի շարք տեղանուններում (օրինակ՝ Zermidava, Burridava, Καριόδαρα, Παριόδαρα, Ζαρ-γιδάρα)³⁸ առկա դակերեն *dava «բաղադ» բառի հետ³⁹։

Հատկանշական է, որ Յուրտավը գտնվում էր Հյուսիսային Գուգարքում, որտեղ, ինչպես տեսանք, ժամանակին գոյություն ունեւ կիմերական և տրե-րական բնակչություն, իսկ Պարտավը՝ Ուտիքում։ Այստեղ, ըստ Ստրաբոնի, բնակչություն էր հաստատու նաև եկվոր այնիանների մեկ ուրիշ հատվածը⁴⁰։ Պարտավից արևմուտք ընկած շրջանում ժամանակին գոյություն է ունեցել նաև տրեւական բնակչություն։ Սրանց ցեղանվան մի տարբերակն է Ս. Երեմ-յանը տեսնում «...նույն տեղում գտնվող Տոի գավառի անվան մեջ (ուրարտ. Teriani, միջին դարերում Զրաբերդ գավառը)»⁴¹։

Այժմ նորից Իգանի երկրի մասին Պարզվում է, որ այս ցեղային երկիրը հետադարձում ևս պահպանել էր էթիոնի ցեղամիություն մեջ մտած մյուս եր-կրների (հատկապես դրանցից արևմտյանների) նկատմամբ ունեցած առաջ-նային դիրքը։ Հայտնի է, որ հետագա Բասյան (Բասեան) գավառին համապա-տասխանած Տարիոնի երկիրը⁴², ուրարտական արձանագրություններում վեր-ջին անգամ հիշատակվում է Արգիշտի I-ի մ. թ. ա. 773 թ. արշավանքի նկա-րագրության մեջ։ Այս փաստից ելնելով՝ Ն. Հարությունյանը եզրակացնում է, որ հարևան Զաբախայի (և, հավանաբար, Աշտուխինի)⁴³ նման Տարիուինի ևս ընդգրկվել էր Իգանիի մեջ։ «Առանց հետագա հզորացման և իր կազմի մեջ հարևան, երբեմնի ինքնուրույն, պետական միավորների ընդգրկման, — գրում է նա, — Իգանի երկիրը դժվար թե կարողանար դիմանալ սարգուրյան զորքերի»։

³⁸ «Атлас по българска история», София, 1963, стр. 3—4։

³⁹ ՆՍՍՀ ԳԱ «Հրաբեր», 1976, № 4, էջ 75։

⁴⁰ Strabo, XI, 14, 14. Այս տեսանկյունից որոշակի հետաքրքրություն են հարուցում Արաքսի ստորին հոսանքի ձախափնյակի փայտակարան և աջափնյակի Աղթանք բնակավայրերի անունները (վերջինս փախստոս Բուզանդը հիշատակում էր այնպիսին՝ ձեռք, այժմ ավերակ է և կոչվում է Ալթան)։ Թեև, փայտակարան (փայտ-ա-կարան) և Աղթանք (Աղթան-ք, Ալթան) տեղանունների հիմք-բաղադրիչներին կարելի է հանդիպել թրակյան Παίτοι (Παίτ-οι) և 'Αλδο-νγος ('Αλδο-ν-γος) տեղանունների մեջ (վերջիններիս վերաբերյալ տե՛ս Գ. Բ. Ջա հ ու կ յ ա ն, Հայերեն և հնդեվրոպական հին լեզուները, էջ 69, 78)։

⁴¹ «Պատմա-բանասիրական հանդես», 1968, № 2, էջ 92։ Ս. Երեմյանը տրեւների ցեղա-նուն է տեսնում նաև Στρωι գետանվան մեջ (նույն տեղում)։ Այս դեպքում պետք է ենթադրել, որ գետանունը նախապես ունեցել է *Στρίωνι կամ *Στρί-αίωνι տեսքը (հմմտ. Տոի և trer <*tri-ar, որից էլ Thriare և Թրիալ-եթի)։ Ինչ վերաբերում է գետանվան -(ու)առ բաղադրի-չին, ապա հեշտությամբ այն կարելի է նույնացնել թրակերեն *utō, *utu (<հ.-ե. *h₂dō(r) «չոր») բառի հետ, որը և ընկած է Դանուբի թրակիական վտակներից մեկի Utus, Οὔτως ան-վան հիմքում (Д. Дечев, նշվ. աշխ., էջ 8, В. Георгиев, Исследования по сравни-тельно-историческому языкознанию, стр. 123, 131, 260)։

⁴² Տարիոնի երկիրը տեղագրվում է Արաքսի վերին հոսանքի ձախափնյակում, այժմյան էրզրումից հյուսիս-արևելք (Ս. Տ. Երեմյան, նշված քարտեզները)։ Նրա անունն է պահել նույն շրջանում տեղագրվող հին հայկական Դարույնք (Դարոյնք) բնակավայրը (Н. В. Ару-тюнян, նշվ. աշխ., էջ 408 և «Հայ ժողովրդի պատմություն», հ. I, էջ 309, 372, 420)։

⁴³ Նույնպես էթիոնի ցեղամիության մեջ մտած Աշտուխինի երկիրը բռնում էր հետագա Վանանդի հարավը՝ հիմնականում այժմյան Սարիղամիշ և Կարս քաղաքների միջև ընկած տա-րածքը (Գ. Բ. Ջա հ ու կ յ ա ն, Ուրարտուի պատմությունը, էջ 171, Ս. Տ. Երեմյան, նշված քարտեզները, Н. В. Арутюнян, նշվ. աշխ., էջ 200—201)։

շեշտակի հարվածներին, երբ այդ նույն ժամանակ երբեմնի բավականին հզոր Դիաուխի ցեղամիությունը վերջնականապես դադարեցրել էր իր գոյությունը»⁴⁴,

Նախկին Իգանի, Աշտուխի և Տարիունի երկրներից ավելի ուշ մեկ ամբողջություն կազմված լինելու մասին է կարծես խոսում հետևյալ փաստը ևս: Հայտնի է, որ հին հայերը Բասեան էին կոչում նախկին Տարիունի երկիրը, իսկ Վերին Բասեան (նաև Անփայտ Բասեան)՝ նախկին Իգանի և Աշտուխի երկրներից կազմված հետագա Վանանդը: Մովսես Խորենացու հաղորդումներից մեկի համաձայն հայոց Վաղարշակ արքան «...իջանէ ի տեղիս խոտաւետս մերձ ի սահմանն Շարայի. զոր հինքն Անփայտ եւ Վերին Բասեան կոչէին. իսկ լետոյ վասն հատուածի Վղընդուր Բուղարայ Վնդայ, բնակելոյ ի տեղիսն՝ յանուն նորա անուանեցաւ Վանանդ...»⁴⁵: Ն. Աղոնցը ուշադրություն էր հրավիրում այն հանգամանքի վրա, որ եթե 450 թ. կազմված մի գրության մեջ, ի թիվս այլ բարձրաստիճան հոգևորականների, հիշատակված են Բասյանի և Վանանդի եպիսկոպոսները, ապա 505 թ. կազմված նույնատիպ մեկ ուրիշ գրության մեջ նրանց փոխարինել են երկու Բասյանների եպիսկոպոսները⁴⁶, ըստ երևույթին, վաղ հայկական ժամանակաշրջանում Աշտուխի և Տարիունի երկրների Իգանիի գլխավորությամբ ստեղծված մեկ ամբողջության (վաղ պետական տիպի միավորման) մեջ ընդգրկման գործում որոշիչ դեր են խաղացել ինչպես այդ ցեղային երկրների հարևանության և ժամանակին էթիոնի ցեղամիության մեջ մտած լինելու հանգամանքները, այնպես էլ նրանց բնակչության իշխող էթնիկական տարրերի («թրակիա-կիմերական» ծագմամբ) ազդակցության հանգամանքը:

Այսպիսով, թրակերենին և դակերենին մոտ բաղադրատարրերի առկայությունը հայերենում և հին Հայաստանի տեղանուններում պետք է արդյունք համարել նաև հյուսիսսևծովյան ճանապարհով Հայկական լեռնաշխարհ թափանցած հին թրակյան ցեղերի հայ ժողովրդի էթնոգենեզիսին բերած մասնակցության: Ավիլացիներ, որ սրանց մեջ իրենց տեղն էին ունեցել նաև այնիանները՝ ուրարտական և վաղ հայկական ժամանակաշրջանների Վանանդի բնակչության եկվոր նախնիները:

ДРЕВНЕФРАКИЙСКИЙ ЭТНИЧЕСКИЙ ЭЛЕМЕНТ НА ТЕРРИТОРИИ ВАНАНДА

САРКИС ПЕТРОСЯН

Резюме

Урартские клинообразные надписи, начиная с конца IX века до н. э., на севере Армянского нагорья упоминают племенное объединение Этиуни. Известно, что страна Игани (Ийани), которая включала северную часть исторического Вананда, входила в это объединение. Обитавшие здесь иганийцы (урарт. *igani-eḫi) или ийанийцы (др. фрак. *iḫani-an > греч. Αἰνῆες), вероятно, принадлежали к «царскому племени» объединения Этиуни.

⁴⁴ Н. В. Арутюнян, *Изд. 2-е*, էջ 408, ծան. 321.

⁴⁵ Մովսիսի Խորենացու Պատմութիւն Հայոց», էջ 109 (ընդգծումները մերն են—Ս. Պ.):

⁴⁶ Н. Адонц, *Армения в эпоху Юстиниана*, стр. 330, 332.

Согласно урартским надписям, иганиец Диуцини (Diuṣini Iganiehi), современник Сардури II (764—735 гг. до н. э.), являлся царем Этиуни. Имя его индоевропейского, точнее древнефракийского происхождения. (ср. фрак. Diuzenes = греч. Διογένης). Индоевропейское происхождение имеет также топоним Vanand (Վանանդ), где, как и в топонимах Magand, Naband, Egand и др. древней Армении, налицо топонимический суффикс -and индоевропейского происхождения (-and < и-е. **ent-*, **ont-*).

Как в VIII веке до н. э., так и в эпоху, предшествовавшую ему, «фрако-киммерийские» племена через Кавказ вторглись в северные районы Армянского нагорья и утвердились там (в том числе и на территории Вананда). Эти племена, в числе которых находились и пришлые предки обитателей исторического Вананда, впоследствии, наряду с «фрако-фригийскими» племенами, принимали активное участие в формировании древнеармянского этноса.